

Eth Túnel de Vielha aurà de demorar tres ans més tà qu'eth Govern centrau decidisque aprovar un auant projecte. Eth túnel de Vielha, considerat un des punts neri des carretères espanhòles, non ei entre es prioritats deth Ministèri de Foment, qu'a tornat a retardar aguesta inversion pera via des estudis d'impacte. Lamentablement er Èix Pirenenc, carretèra qu'amassarà diuèrses comarques de montanha, tanben demorará arturada en Xerallo.

Eth trapàs dera gestion de Benestar social, desmantèle era concepcion de servici public dera ajuda familiar.

Aguest personau que s'ocupauè basicament dera ajuda a persones granes damb besonhs puntuaus, e que milhoraue ostensiblement era sua qualitat de vida damb aquestes ajudes, a estat desmantelat. UA se i a opossat per entèner qu'aguest servici a de besonh un grad de professionalisacion e un controu dirècte dera administracion.

UA promoirà tanben ua pregunta parlamentària tà saber ce quini placi a eth Govern tà ampliar era residència geriàtrica. Ua installacion que hè fòrça ans que non pòt atier era demana de places e que dempús de fòrça promeses non a encara data tà portar a tèrme es òbres.

Se pòrten a tèrme es òbres de Santa Maria d'Arties e dera casa deth Senhor d'Arròs. Ei bon rebrembar qu'aguestes òbres se

pòden realisar gràcies as projectes que des der anterior govèrn de UA se presentèren ena Union Europèa, tà arténher es partides pressupostaries de besonh. En cas d'Arties ei cau hèr saber, que en tot eth nòste Conselh i a desviat es sòs destinadi ara glèisa de Santa Maria de Cap d'Aran, estauviam ara Generalitat era inversion obligatòria en un monument d'interès nacionau. Peth contrari, eth romanic de Boí a rebut més de quate cents milions de pessetes tara sua restauracion.

Eth Sindic d'Aran contracte un destacat membre de Convergencia coma Cap de gabinet. Aguest nau cargue aurà ua assignacion damb cargue as pressupòsti deth Conselh de Cinc milions siecetes mil pessetes.

Les recupere lòcs de trabalh en sector dera indústria. Damb era installacion dera naua piscifactoria en Cledes, Les aurà ua vintea de lòcs de trabalh que non depeneràn deth sector toristic, diversificant atau era sua economia. Aguest aurie d'ester enes pròplèu anades un rèpte tà Aran, qu'en base a criteris socioeconòmics racionaus aurie de permeter er acces ath mòn deth trebalh des joeni, damb lòcs de trabalh qualificadi.

Era presentacion deth plan estrategic deth Pirenèu met en evidéncia era manca de voluntat de Convergència tà assumir es inversions qu'eth Pirenèu e Aran an de besonh. Eth plan mòstre ath delà clares deficiéncias enes sòns mecanismes de gestion